

衛輝府志

衛輝府志卷四十三

藝文志

碑上

漢蔡邕酸棗令劉熊碑

君諱熊字孟陽廣陵海西人也厥祖天皇大帝垂精彌感

篤生聖明缺仍其則子孫享之分源而流枝葉扶疎出王

別缺受爵列土封侯載德相繼丕顯缺五光武黃帝之

孫廣陵王之孫俞鄉侯之季子也誕生照明岐嶷踰絕長

妙行修言道缺五宜京憂莫不師仰六籍五典如源如泉

衛輝府志

卷四十三

碑上

一

既練州郡卷舒委隨忠貞缺效官缺省楊玉流化南城政

猶北辰衆省所從三祀有城來臻我邦循東缺禮官賞進

厲頑約之以禮博之以文政教如初慎徽五典勤恤民殷

心顧下缺仁思如冬日威猛烈炎夏貪寃革情清修勸

慕德惠潛流鬯芳旁布尤愍縣缺濟濟之儀孜孜之論帥

厲後學致之雍泮草上之風莫不嚮應悅誨日新缺素缺

業勃然而興咸居今而好古雖未盡道善必有所由處民

之秉彝寔我劉父其魯無君子斯焉取旃允我劉父言善

誘人講禮習聆匪徒豐學屢獲有年缺字載克成神民協

兩不相傷故德交歸焉自古在昔先民有作洪勳則甄

盛德^缺刻表諸來世垂之罔極褒賢表善揚幽拔微式序

在位量能授宜官無曠事^缺字^缺為正以卒為更愍念烝民勞

苦不均為作正牌造設門更富者不獨逸樂貧者^缺順四

時積和感暢歲為豐穰賦稅不煩寔我劉父吏民愛若慈

父畏若神明悔^缺令德清越孤竹德牟產奇誠宜褒顯照

其憲則乃相^缺咨度諏詢采摭謔言刊^缺詩三章其辭曰

清和穆鑠寔為乾^缺靈篤生我君服膺獻聖允鍾

厥醇誕生疑言協^缺懿德震耀孝行通神動履規繩文

章彪績成是正服以道德民有父子然後有君臣理財正

辭束帛^缺夢刻像鶴鳴一靈天臨保漢寔生^缺勳明

衛輝府志

卷四十三

碑上

二

試賦授夏已親嘉錫來撫潛化如神其神伊何靈不傷人

猗歟明哲秉道之樞養^缺之福惟德之喁淵乎其長渙乎

成功^缺暇民豫新我^缺通用行則達以誘我邦賴茲劉父

用說其^缺澤零年豐黔首歌頌

晉汲令盧無忌太公碑

齊太公呂望者此縣人也遭秦燔書史失其籍至大晉受

命吳會既平四海一統太康二年縣之西偏有盜發塚而

得竹策之書書藏之年當秦坑儒之前八十六歲其周志

曰文王夢天帝服玄襪以立於令狐之津帝曰昌賜汝望

文王再拜稽首太公於後亦再拜稽首文王夢之之夜太

公夢之亦然其後文王見太公而 之曰而名爲望乎
曰唯爲望吾如有所於見汝太公言其年與其日且盡道
其言臣此以得見也文王曰有之有之遂與之歸以爲卿
士其紀年曰康王六年齊太公望卒叅考年數蓋壽百一
十餘歲先秦滅學而藏於邱墓天下平泰而發其澹書書
之所出正在斯邑其皇天所以章明先哲著其名號光於
百代垂示無窮者乎於是太公之裔孫范陽盧無忌自太
子洗馬來爲汲令嶠嶼之下舊有壇場而今墮廢荒而不
治乃諮之碩儒訖諸朝吏僉以爲太公功施於民以勞定
國國之典祀所宜不替且其山也能興雲雨財用所出遂
衛輝府志

卷四十三

碑上

三

修復舊祠言名計偕鐫石勒表以彰顯烈俾萬載之後
有所稱述

北魏汲郡太守穆子容太公碑

太公姓呂名望號曰尚父尚氏之興元出姜氏公望以輔
翼流詠子平以確素致謠卯金握歷冠蓋鱗次典午統宇
軒冕波屬或秉文入朝或用武出討儒默交映勳庸相趨
大魏東苞碣石西跨流沙南極班超之柱北窮竇憲之誌
高祖孝文皇帝龍飛代都鳳翔嵩邑澄清人士品藻第望
尚氏合宗還見禮擢九等舊制不失爨序方知賢聖之門
風必復功爵之後學識還 太公肩孫尚詔及尚天寶

尚世懋尚子牧尚子休尚方顯尚景恪尚遵明尚

顯敬尚迴歸尚叔樂尚漢廣尚崇等器業 洽文義淹

慨盧忌置碑僻據山阜崔瑗刻石不朽康衢遂率親黨更

營碑祠以博望之亭形勝之所西臨滄谷東帶汎川周秦

故道燕趙舊路構宮鑄石以當平顯庶使文範之猥不獨

百城有道之美詎假千石凡斯盛事理切含蒙余以虛薄

再添郡任民清和歛見託爲文率余彈翰棄辭收理其詞

粵迢迢岳肩蔚 姜枝積德不已繼踵方羲發將允執紂

遂昌披託夢異毘卽狼非罷功著牧野迹自 岐旣伸帷

幄仍秉鋌麾佐命周室開邑齊土北控趙燕南臨鄒魯一

衛輝府志

卷四十三

碑上

四

匡九合懸車束馬位極三事勳高萬古葬切晉溫魂悲漢
祖忻哉尚聖遺魂可怙言歸故鄉降神巫咒從厝汎水築

室望岫庭栽異木井依餘甃 歌鍾迭奏風雨節

宣華夷用富恩被系子慶傳曾胄

唐李翰殷太師比干廟碑

太宗文皇帝旣一海內明君臣之義貞觀十九年東征島

夷師次殷墟乃下詔追贈 少師比干爲太師謚曰忠烈

公遣大臣持節弔贈申命郡縣封墓葺祠置守塚五家以

少牢時享著於甲令刻於金石故比干之忠益彰臣子

以述其志也昔商王受毒痛於四海德悖於三王肆厥

安地 得禮甚不然矣夫孝於其親者人之親皆願其爲子忠於其君者人之君皆欲其爲臣故歷代帝王莫不旌顯周武下車而封其墓魏孝南遷而創其祠我太宗有天下裡百神而盛其禮追贈太師謚曰忠烈申命郡縣封墓葺祠置守塚五家以少牢時享著於甲令刻於金石於戲哀傷列辟主食舊封德爲神明秩視羣望身滅而名益大世絕而祀愈長然後知忠烈之道其感激天人深矣天寶十祀余尉於衛拜手祠堂魄感精動而廟在鄰邑官非軾閭刊石銘表以志丕烈詞曰麋軀非仁蹈難非智死於其死然後爲義忠無二體烈有餘氣正直聰明至今猶視

衛輝府志

卷四十三

碑上

六

咨爾來代爲臣不易

唐柳宗元箕子廟碑

凡大人之道有三一曰正蒙難二曰法授聖三曰化及民殷有仁人曰箕子寔具茲道以及於世故孔子述六經之旨尤殷勤焉當紂之時大道悖亂天威之動不能戒聖人之言無所用進死以併命誠仁矣無益吾祀故不爲委身以存祀誠仁矣與亡吾國故不忍 是二道有行之者矣是用保其明哲與之俯仰晦是暮範辱於囚奴昏而無邪隕而不息故在易曰箕子之明夷正蒙難也及天命既改人以正乃出大法用爲聖師周人得以序彝倫而立大

典故在書曰以箕子歸作洪範授聖也及封朝鮮推道訓俗維德無陋惟人無遠用廣殷祀俾夷爲華化及民也率是大道藁於厥躬天地變化我得其正其大人歟於虜當其周時未至殷祀未殄比干已死微子已去向使紂惡未稔而自斃武庚念亂以圖存國無其人誰與共理是固人事之或然者也然則先生隱忍而爲此其有志於斯乎唐某年作廟汲郡歲時致祀嘉先生獨列於易象作是頌云蒙難以正授聖以暮宗祀用繁夷民其蘇憲憲大人顯晦不渝聖人之仁道合隆汙明哲在躬不陋爲奴行讓居禮不盈稱孤高而無危卑不可踰非死非去有 故都時詘

衛輝府志

卷四十三

碑上

七

而伸卒爲世模易象是列文王爲徒大明宣昭崇祀式孚古闕頌辭繼在後儒

唐庾承宣義成節度李元素慰思碑

彼思者誰思李公也所慰者何慰邦人也曷以思之政成而惠及也曷以慰之刻石而播美也曷其能紀其所以慰今節度使淮陽郡公袁公尚賢嘉善之旨也於戲郡國者土地人民之謂也藩鎮者軍旅鈇鉞之謂也皇家綜覈名寔襟束體要上有淳化下無分權于是慶位寵命極其數殺生刑賞專其柄治理教化仰其成任之莫大也事之莫重也惟其聰明可以盡聽覽唯其材智可以通利害唯忠

誠可以竭肺肝然後能聳動乎羣動師範乎四方作帝
翰爲人膏澤歷選授命非全器備用則不能稱茲職焉德
宗臨御旣久鍛鍊惟精鑒洞羣下舉無遺策以四方之少
事專將帥於賢良得禮樂詩書之精英盡典法政化之根
本居則物愛其福奠於康寧去 人慕其德形於謠詠作
之古者又何加焉貞元歲公自給事中累月除尚書右丞
上方倚以爲輔而羣望僉屬會東軍闕帥時許蔡不靖撫
安鎮定之寄咸又與能用賢先於急病簡兵符於注意是
使澤潤之功未及于天下久安之理獨資于一方麾幢旣
行寵冠羣后茲鎮之地據當要害風俗之舊號爲堅強兵

衛輝府志

卷四十三

碑上

八

甲精而氣勝疆土沃而人逸界大藩之雄盛邇王畿之德
澤善否之政難於厥初矧自賈相國之寬厚居外畧其法
度李僕射以制作求理永及惠化姚以靜而潛用盧以促
而不暇軍雖和未及於整人雖安未遂其大官雖備未盡
其理法雖張未一其門遂使強力暴亂時黷武 黠胥豪
家時漁細民署職祿士時或倖致斷刑察獄時或隱情及
公乃明示畫立程軌利御筴以謹其不度峻隄防以遏其
淫心開通耳目改易視聽先之以端莊肅怠惰齊之以精
爽攻矯誣清明燭于無間權謀制于有脫十萬之室不可
以戶誘三軍之衆不可以心欺正身行令 不率俾

籍無冗員以敗法閱部伍無寵私以居職入 井有敬讓
禮 以厚俗行田疇無污萊蕪穢之不理儲府庫本乎節
用水旱因得而備也從人欲本乎省事教化因得而興也
苟理道之可究志意之可留小無不勤大無不備一貫其
道奉事之初公積孝友發爲聰明本于學術施于政事儼
容而居公可畏莊色而非義不干手衡目鏡毫髮無隱竹
節松心風霜強勁春秋稱子產以寬猛相濟爲善理晉史
美元凱以文武盡在爲全材古今異時賢哲同道今皇帝
纂大統之二歲元和紀號方將郊上玄謁清廟乃詢大政
于二三元老俾舉郡國之聲績懿重望以居內副祀之任

衛輝府志

卷四十三

碑上

九

永歷歲時詔書遂來有待而倅及黃霸赴召入觀營舍空
其將校府署盡其官吏巷無有居室無有處或擁車臥轍
或饌酒饋餼咸患獸墮魚水夫何所依寒裘飢食復何所
自思念之音亶亶不絕者逮于今焉夫民者氓也未易其
感動庶者衆也又難其一心非功利之積發日盛惠澤之
漸漬日久胡能唱而同和不約同期也哉誠之所孚在物
知感自後出鎮浙右入掌邦計聲先路以人悅政不言而
事理由誠之所以著焉淮陽公代公守鎮琴瑟異質雅音
同致邦人重濡其厚惠是用思報其前政于是左廂都押
牙兼御史大夫房士郢右 都押牙兼御史大夫范 才

攝白馬縣令盧乾洎耆老張西雲等造庭詣閣宣贊功

淮陽公疏其事 累表上聞願刊石垂休以慰人望遂

懇自執政 由是所詣不時得下淮陽公嘆曰仁

極於政 君子之用心也今名其碑遂賢者之

志述于 杼東 之思顧謂觀察判官殿中侍御史庾承

宣以從事 茲詳備 見盍叙之而昭示永永焉公名元

素字大朴其先趙郡人也若憲基峻源清門茂閱歷官之

前後修身之事業則紀名臣傳循良傳以耀竹帛焉今不

書不敢專也乃編邦人之咏係於篇末俾採詩之官得以

薦馨香云其辭曰我所思兮春之陽氣熙愉兮物芬芳枯者

衛輝府志

卷四十三

碑上

十

茂兮焚者息曷以比之公之德 我所思兮親之慈察痛

癢兮知寒飢充寒飢兮延性命曷以比之公之政 我所

思兮琴瑟音薰然和兮天地心興敬讓兮去姦詐曷以比

之公之化 我所思兮鑑澄徹淨冰玉兮皎霜雪幽隱盡

兮研精英曷以比之公之明 我所思兮河之水我所思

兮山之麓仰申甫兮霄漢間居霄漢兮興雲雨霖旱歲兮

澤九土俾吾候兮終獲祐望而祝之享天祚

唐崔郾義成節度使高承簡德政碑

維天之高仰懸象以辨其才維地之廣資崇山以鎮其域

受爵當列岳之位天文應上將之星合德配功古今攸重

唐二百二十載穆宗皇帝握符御圖思勳烈之臣重藩
維之寄詔工部尚書高公承簡建節佩印督郡而遷滑臺
二旬教化成號令行軍旅知訓黎人安業咸懼公報政
之後移乎他邦則三軍將安于拊循闔境遽失乎惠養于
是部將試秘書監兼殿中侍御史李忠等三州耆老緇黃
等五百人歷懇披誠監軍使宋守義以聞于天子願紀羊
公於峴首復借黃君於潁川惟聖知賢特可其奏乃詔翰
林侍講學士中書舍人臣鄧俾纂述其績 式殊勲昭示
來裔曰公渤海人也曾祖夔皇朝涼州司馬贈涼州刺史
大父行暉試懷州別駕贈戶部尚書烈考崇文邠寧慶節

衛輝府志

卷四十三

碑上

十一

度使京西諸路都統檢校司空同中書門下平章事南平
郡王贈太師昔憲宗朝劉闢恃西川之險阻擁兵誅戮時
則司空敗梓童之師覆其巢穴除其大憝以靖乎庸蜀鴻
功煥爛刻于旗常穆宗朝李峇乘大梁之驚擁衆搆奸以
稽王命時則僕射之郡兵逐奔潰戮兇從以 淮潁豐功
赫奕鏤於景鍾先皇加欒趙之勳用韓彭之畧總旄授鉞
殿於是邦家乃享澤福宜懿美豕韋故國白馬通津處東
夏之衝要襟北城之捍蔽綿地千里提封三郡利兵勁卒
雄武寔首乎天下盡忠死 勳績當冠乎藩方故節制澄
清之權皆以賢候良帥所以重劇部而獎勞臣也自 和

歲冬勤調發徵曷嘗底寧陰沴繼災蒸人重困田畝棄耒
耜里門空

瘡瘠路有餒殍徵稅徒限以編戶行

寔不及

營公始下車勞以安之來以康之惠政以悅

之廣教以動之多方以道之辰而教行月而俗化于是起
凋瘵復流庸野歸其耕家舉其織咸被膏澤而無殘人然
後滌舉前弊拜章列聞乞免逋責以寬征徭殊恩俯降特
遂其請于是鰥嫠蒙其生惠游惰勸其力穡咸適樂土且
無廢時此龔遂所以播嘉聲也豪俠之餘奸盜萌起小則
竊取於里閭大則掠剽于康庄抵法禁留獄犴者布於四
境孰能憐其濫以宥其死公于小大之獄盡哀矜之心貸

衛輝府志

卷四十三

碑上

十二

其科條咸使全活致謳謠于封部釋寃滯于比寧此安降
所以成茂化也高旗長轂精甲銳師勤王之役比歲而舉
竭廩廩以給兵食殫府庫以奉軍裝弊耗以空物力未復
及公戾止則禁彼浮靡修其潔廉由身以率人自家以形
外鍾鼓之樂不淫于心耳采華之飭不被於閭闔節其晏
遊絕其翫好無私積以厚于已必多方以贍于軍于是寒
者溫餒者飫資用是給戎行臻寧此祭征虜之奉公也自
頃師徒薦興節將屢授咸有紀綱之僕用資肘腋之親因
隸是弊且非吾土方俗之異董率攸難公威令訓齊惠綏

感義 德洽爲一心若凝寒之被陽和如嬰兒之蒙

顧復皆願畢力以奉轅門此馮征西之得衆也至若罷不急之務黜冗食之徒戎器未備則造器者加意而戎器精焉戰馬或闕則有馬者增職而馬政修焉繕城池以固其金湯飾廨署以除其燥濕是皆資彼餘力因以羨財人樂就役功不渝時民故無害此又永逸之嘉績也美化之所燠灼深仁之所浸漬發于天和達于人心割股以致養廬墓以盡孝非懿行昭感變其僥俗歟功利及于衆人慈愛布于下土百姓愛戴編甿樂康則備潔以薦誠虔禱以資福非厚德濡煦激其深衷歟雖漁陽之詠兩岐蜀郡之歌五袴比功類善此無愧焉當吳元濟據命淮西公領相國

衛輝府志

卷四十三

碑上

十三

晉公牙門之任累以長策贊乎兵機及上蔡削平郡師旋旆詔以鄆城之地節制徽州非寬能愛人無以康疲俗非威可馭衆無以定新邦晉公乃表公之材請受符命于是掩骼埋胔以道其和氣拯飢救患以濟其凶年治屯營以勸農功補壞堤以平水害廨宇之卑也則遷諸爽塏而高其閤閤傳置之闕也則荆以道周而豐其儲峙故有甘泉菽草之瑞焉詔嘉其功移守鉅鹿先是州封綿廣人力凋耗兵革之後田萊多荒公乃計戶版旣盡地利且寬賦疏漳川潰溢之源開龍岡發塞之室俾以善講嘉政焉復以高第遂遷于宋淮海衝要舟車會同泊公

俗嚮化方其兵力未全物情疑駭公乃蒐乘補卒以張其氣燄借貨斂粟以備其需用密表以布誠飛檄以請援賊齊遣同惡曹簡使於宋悉索官私之財公斬之以徇自是兇徒奪氣矣竟能奮義殫誠勵支郡抗敵之心絕羣盜乘隙之勢公之功也策勲懋賞鎮于魯邦當憲宗皇帝掃蕩青齊分裂疆宇充海沂密四郡之地爲東南藩籬屢更大惡而俗未丕變公于是詳究利病備陳綱條復闕里之風化修淹中之禮樂寒暑一換報功酬義旌政進秩乃官茲土凡三部郡符再陟齋壇冠左貂儀大憲以主於各官皇上嗣位嘉守土之臣大布德澤叙外品列改授尚書右

衛輝府志

卷四十三

碑上

十四

僕射所以寵新績褒舊勳也惟公端肅莊明溫仁惠和戴君則竭其忠臨難則致其命至於字疲人撫三軍若治身疾如理家事公用不足則捨私財以繼之饑人無告則資奉以賑之故能使部校服義蒸黎飲化若熙陽春若嚮太牢此所以建休勲彰茂節處貴位樹雄名諧大君之倚注彰四海之光耀者矣昔鄭武繼威桓之德而嗣爲藩室條侯纘絳侯之功而復爲將帥惟公克荷先蹟顯揚休聲疇庸自裂乎方隅延代繼分乎茅社君子爲積善之禮鍾于高氏也宜哉夫播美者詞貽頌者寔爰書盛德永勒豐碑後之人知甘棠之陰留此地也詞曰上標星辰下建藩方

分彼土宇授惠忠良烈烈高公家聲載揚應運宣力合
我皇東郡奧區豕韋舊疆化風浹洽俗臻阜康昔在元和
坤維構亂南平奉詔提師剪按乃執渠魁乃清巴漢遂陟
文治愛登鄙翰建于長慶夷門不共公復仗義首是奔衝
活全支郡屢拙羣兇賜以齊斧藩於魯封惟帝念功時當
進律俾臨東夏用屏王室元侯重寄拔卿顯秩以布毗澤
以訝軍寔公之牧人以本於身若灑和風如熙上春綏其
逋逃恤其窶貧敷政優優善誘循循室有紡績野有稼穡
俗知禮讓吏無掊尅于以詠歌歌公之德公之理兵以推
其誠撫馭用信將校用平俎陳廊廡惠遍羊羹同彼休戚

衛輝府志

卷四十三

碑上

十五

均其寵榮百城秉命十連從令姦慝不作封疆底靖于以
咏歌歌公之政爰升右揆式鎮名藩禮峻師能勲高翰垣
惟公之忠惟帝之恩人瞻召父歲識臧孫乃勒豐碑昭示
後昆谷有變遷德馨常存

唐賈餗義成節度使李德裕德政碑

皇帝卽位四年滄寇旣平河朔無事方偃戢兵刃與人休息
惟東郡地臨討伐之境歲積水旱之後罷勞之師始旋于
奔命殘耗之毗久困于煩役物力殫竭資用凶荒牧養之
寄于是爲急乃詔兵部侍郎贊皇公李德裕以檢校
尚書兼御史大夫出鎮茲土時公由浙右連帥以治行

一徵復南官既至未浹月卽膺是選擇于是日對越明
抗旆遄征若決江漢以起焦涸至則究宣詔旨躬問痛疾
俾人識皇澤吏識朝典軍識法制推心於萬人之腹下
令於流水之源怠則張而振之弊則掃而更之下車三日
而新政興涉旬而舊俗革周月而風偃三郡逾時而澤流
四境暮年而人和歲穰厥績大成屬蜀人新被蠻寇流教
未復詔宣天下諸侯威可訓齊而惠可生殖者公又遷秩
兵部尚書往鎮撫焉以滑遺愛之地于以揚豐碑而表異
政也古今紀嘉績詠去思者多矣大抵久于其位方顯其
跡舜典三載考績仲尼亦曰三年有成子產相鄭三年而

衛輝府志

卷四十三

碑上

十六

國人始信次公居潁川前後八年而曰郡中逾治未有起
積困之俗施難行之化勞來安集生聚教訓未至暮歲而
聞耀丕業流光其聲若是之速也公廉明剛健精力過人
博以文雅濟以經術發強開敏貫達吏事刀下無肯綮穀
中無遁逃其治軍也法令嚴而賞罰信閱寔其籍修利其
器征捷之勲守備之勞有一可追罔不甄寵除去姑息之
弊剗革因循之政戶庭無紀綱之僕 壘盡心腹之師嘗
稱記曰軍旅有禮則武功成故先之以禮誼傳曰以不教
民戰是謂棄之初勤之以教習至夫爍金剗革之程制耳
目聲氣之容飾日省月試莫匪躬親于是師徒感悅人百

其武而政成乎戎旅矣其馭下也正其身以爲表懸其令而莫犯守以畫一提以憲章故百吏聳視郡職修舉廣漢之推功善而束人稱之不容口翁歸以一警百而吏皆改行自新與善懲違咸得其術而政行乎州邑矣其養人也拔其害本浚其利源安之而後勸功業之而後興教苛役重賦人之所困明令以蠲之樹藝畜牧生之所急躬勸以課之于是萬井千間感厲恩隱若人人昔自守而持道之也郡有渚四千頃蓋上腴也先是種畝之人盡主兼并之家至則均其耕墾首及貧弱俾共其 而一其征詩曰愷悌君子人之父母愷以強教之悌以悅安之故流庸四歸

衛輝府志

卷四十三

碑上

十七

播殖滿野化歎息愁恨爲樂和之聲而政治乎甿庶矣其訓俗也舉先孝悌養先 獨敬教勸學驅而之善俾干櫓之鄉剛悍之俗燦然有文以相接 然有恩以相愛仁聲感物順氣成象年穀大稔人無札瘥畎畝之中至有親膺致憂無報以養者比德旌顯陶然一境日飲其和而政達乎教化矣其理財也愛人以生之節用以阜之無名非法之費飾奢崇侈之給踵弊或久一皆去之行之暮年力乃滋殖百姓與足千箱旣盈通商而百貨不匱訓工而五材咸理繇是而軍有餘用吏有常祿而政施乎物力矣其約已也躬儉行簡居無玩好公之詣部與家偕路人非見其

幢雖告以掾吏之家不信也及郡凡昔之仰給于官不應
法令者悉還之吏人皆驚而相告曰而今而後吾知官之
與法矣吾儕其敢貪冒以愧吾賢帥耶至若均祿廩以贍
軍費節晏游以寬日力忠愛之私視官猶家而政光乎簡
約矣政事本諸身行乎吏人成乎師旅給乎甿庶美于風
俗阜于財用六者治之大節也引而伸之觸類而長之則
其他可得矣及戎軒西去將校官吏三州耆耄感公之惠
訓懷公之明德路衢號歎若無所歸愈獲寇恂之借益深
召伯之愛旣而大將鞏仲良范湊別駕衛炫一十六人泣
瀝丹誠伏述功美願刻金石垂諸無窮監軍使田內侍金

衛輝府志

卷四十三

碑上

十八

操今節度使段尚書嶷繼以事聞恩詔嘉許俾萬方將帥
聆者聳勸寔朝廷之重典公趙郡人贊皇其本邑也濬源
長發賢達奕代烈祖贊皇文獻公諱栖筠大歷中爲御史
大夫清風峻飾振服天下烈考趙忠公諱吉甫元和初再
爲丞相崇功成業耀動古今公承忠勳之積慶負封畧以
繼起年未弱冠而濟美之望見推于時釋褐詔校書郎
至監察御史元和十五年以本官召充翰林學士時穆
皇帝初嗣位對見之日面賜金紫遷屯田員外郎考功郎
中知制誥皆侍從如故又遷中書舍人專承密命 思叅
贊沃心近膝言隱而行道者蓋多矣會邦憲 帝難其

人乃拜御史中丞直已端誠道無吐茹百職以治朝綱以肅明年以御史大夫兼統浙西六郡仍總其車服以鎮靖焉公時年三十有六就加禮部尚書二年加銀青光祿大夫詔書方勉舉漢宣故事以寵休績在金陵凡六載其仁風惠化磅礴于封部洋溢於歌謠天下聞之久矣及二夏官至未發軔復慰滑人僉來之思滑人復又用滑之治迹以慰蜀人化日宏宣澤和以大舉茲而斷可識矣峩峩翠碣永載德政上請斯文于末學叅承明詔無愧直筆其辭曰天有德星所臨者福王有良翰以撫藩服維昔茲土歲仍於飢師役罷勞人困流離衣食所儲蕩無子遺上帝監

衛輝府志

卷四十三

碑上

十九

觀俾公來思

闕四字

勞疚乃息人望如草候我生殖煩

苛盡去吏奉條式禁止惰遊阜昌 力歲聿未周乃無疲人寒者厭襦飢者厭殮野無閑田百穀茂藜襁負而來闔境如春教化既興德行且舉政行州邑禮行師旅人趨法令隣服威武矯矯三軍勇餘可賈俗換風移日用不知鴟鴞之音魯侯化之國門之盜隨會逃之成人之頌子臯爲之人有父子惟公親之人有作業惟公勤之軍政既成吏理既清百室既盈乃流德聲乃奉詔書俾鎮全蜀人失召父軍去方叔畏壘之眈尚知尸祝今慈功德曷其自足乃疏成績達於宸聰帝曰俞哉宜爾顯崇建石通衢追琢嘉

庸書詞罔愧播美無窮

唐宋申錫義成節度李聽德政碑

夫辰象上分于天堃人以躔次而辯乎九土川岳下鎮於地王者以疆理而 乎四海我唐受命以立人極參天地之數體皇王之 爵祿列郡縣以牧兆庶以叙羣材是 以內有宰 宗工之職尹正天下緝熙庶績外有方 連帥之任董訓戎律考察風俗伸之而憲章大備本之而神人協和交暢龐鴻 休烈故能光宅萬國德隆三代忠賢間出翼戴扶 英聲於夷夏炳洪模於簡冊建中四祀

據宮闕德宗皇帝遵避翟之義行巴漢之狩時則有若太

衛輝府志

卷四十三

碑上

二十

師西平王戡大難定大功拯遏橫流匡復社稷精誠貫於日月神用迅於風雷陰德感於生靈元忠書於甲令超卓百氏芬華一門此公之大業也至若貳 成功於西域飛將名播於北平校尉奪胡虜之氣侍中踐戎馬之地太尉父子以大議佐國樂安弟兄以持功居位博士講命于武觀諫議召拜於蘭臺兗州以請約率下白馬以功直著績植節抱議秉武興文何代無人古今相望此公之胄緒也以言乎西平王則表源峻址從而可知也以言乎公則藩衍茂大推而可知也公名聽字正思西平王第八子也幼有遠畧長而喜書將帥之風雅歸慶忌簡重之體多屬絳

侯心義揣摩功名感激探前古成敗之事識先儒勸懼之旨釋褐三遷調補秘書省著作佐郎鴻翼將播於九足未展於千里始慷慨而徇志故優游以從軍自是中侍御史領襄陽行府之職有酈定進者故爲西平王下將也後以獲罪械傳靈臺公知其有武力他日之可用也以部曲故吏送之咸陽定進感公之知惟恐不得其死及討劉闢負羽前驅以功入爲左神策軍將軍因以激詔感動軍尉曰西平王嘗以此軍收京師宜選子弟參慰撫警常山恣肆不修職貢詔發禁旅涉河問罪公欲因事自顯決然請行至止之日公陽察潞帥盧從史首鼠兩端輔衛輝府志

卷四十三

碑上

二十一

車合衆公獻策於義軍中尉吐突承璀請遂擒之承不之應也以權不在己未敢先動乃密疏其事指言可取雖將不內御而詔已中決公曰事集國家無遺鏃之費坐復五州之地不集獨可斬一夫之首以徇三軍之士給出潞壘縛於檻車協力同功以時叅定特拜左驍衛將軍兼御史中丞破虜書勳功高出冠於諸將疇庸茂典德尉入侍於未央朝廷益器全材將委重任試以牧人之術觀其馭衆之能旋授蔚州刺史自蔚州五遷至楚州刺史以忠信治軍旅以慈惠恤鰥孤以易簡爲吏部以謹嚴親警衛守三將兩軍去如始至言皆可復而富利之及於人

之濟于國者布在州里播於聲詩公之守飛狐也屬難艱
之後開元舊制寢以隳廢鎔冶牟利穀雜爲巧雖死罪必
報而奸弊不禁公初開五鑪日鑄炫錢作爲檢式無敢誤
犯人受其賜于今稱之公之據安陸也以上蔡不庭專部
進討公提徒步之卒餌狼虎之口當矢石者十七戰拔營
柵者十四所麾申州外壁 鍾山全邑其所 敗不可勝
紀公之牧山陽也會郵盜爲禍天兵壓境公引壽春全瘼
之旅雜淮陰蒿楫之師與五諸侯分疆夾擊 陸兼進直
趨 山公獨當一面首下四邑奉 最後成功最先傳海
據河人心惶駭繫公勇進殆至撲滅自楚州三遷至太原

衛輝府志

卷四十三

碑上

二十二

尹河東道節度使自中憲六加至檢校右僕射司徒若貫
珠壘玉天與神授不知其所以然也公之節度夏臺也執
專征之弓矢驅犯塞之犬羊堡壁作固於金湯烽燧不驚
於疆場三月而報政周歲而策勲去病轉戰於隴西張堪
殷富於河北我有餘裕時多與能公之分閫靈武也兵三
覆以敗戎虜田萬畝以寔倉箱地搜遺利百千計歲省公
費二十萬破羗之畧合充國之前規積粟之多同景山之
有備公之居守太原也一年而枹鼓不鳴刑政以清二年
而足食足兵荒閑輯寧三年而 有常經皆可作程五倫
之去會稽攀車叩馬神嵩之離益都老泣幼啼各極一時

不謝二子寶歷元祀公朝京師敬宗皇帝引對便殿勞之禮無以加焉秉圭久覲韓侯更錫其輅車鳴玉在朝士會亦加於冕服賜諸侯以鈇鉞授大將之旌旗改拜義成軍節度使鄭滑潁州觀察處置等使兼滑州刺史餘並如故宗廟中受 之重膺闈外推轂之寄威令先路仁聲載途班白孩提踴悅相賀畏賈父而來晚恐杜母之不至公行 入境坐鮮温席問黎人之疾苦推征賦之輕重相山川之頽壞審倉廩之虛寔 甲卒之衆寡量衣食之薄厚如風偃草大革訛俗元和中歲師旅薦興隣境官軍寄食吾地物力殫屈比屋流離簿書有推委之煩閭井有徵責

衛輝府志

卷四十三

碑上

二十三

之弊逋租宿貸繫于空文一旦之間盡削其數以度量權衡緡錙可計者大凡七十八萬若大旱之沐膏澤窮陰之煦陽和感動人心聲起匡夏朱暉之明惠貸劉寵之去煩苛方其事實不啻過也施於有政曾未逾時爰適樂郊就庇德宇視遠猶邇相與如歸外入版籍者二十家新墾荒萊者三千頃信臣之耕農歲闢恒階之人戶月增比其惠德曷足多也先是瀕河之地殆百萬畝以權力相假以富利相贍因其饒衍竊占經界公視其沃瘠之上下與其藝植之勞逸稽夫家之數計鍾食之費度地任力隨而受之農其茂功土化甘壤一軍絕歉食之歎萬井與多稼之謠王

景之起廢蕪崔瑗之變蒲藺較其功利無以加也 者水旱無備帑藏不充兵食有菽麥之難軍裝乏繒纒之制公省溢員之職罷冗贅之徒收散墜之羨財減浮靡之甚費用此克濟沛然有餘行及其期不限於數耿秉簡易以經務段類仁愛以垂馨叅其能否非所貴也戎馬之地氣尚雜習三河之所殷會四方之所輻輳逋逃容隱而爲藪萑苻積習以成風人用輕生吏不知禁公糾察有制寬猛相濟涉道途者若游於堂室設門廬者罕川於關鍵重裝大賈通行書夕岑熙之犬不驚吠黃霸之路不拾遺考其政術詎可稱也軍有親老加之以衣服卒有死喪贈之以布

衛輝府志

卷四十三

碑上

二十四

帛籍有虛缺酬助其功勞職有罷免選任其子弟而又勤其部伍習其武藝辨背水登山之形勢明攻城野戰之便利校弓矢之疎密試劔戟之銳鈍人百其勇士一其誠懷德惠而恐沒其身負恩私而不愛其死卻穀之義府斯在韓信之軍法以行宜乎表正羣方藩屏王畧居三公之府作十連之率自朔方以抵於右輔自沛郡以至於滑臺出入數十年綿亘數千里重侯栾葉龍節武符森檠戟以連戶擁旌軒而接壤皆公之弟兄更拜迭代自兩漢以來未有如公茂族顯赫于天下也握重兵居要地而人心不受高爵食厚祿而時情未滿寔以西平王勳德方傳於

而公之續用克紹於堂構者也聖皇踐位之明年以
紀歲號庶政惟新萬物更始雲龍協而君臣同德天地
文而邦國泰寧三州耆艾百城庶吏介冑之士緇黃之徒
莫不感公之仁飲公之惠墳城溢郭越月逾時或裹糧以
卽路或零涕而乞拜公始諭之以義終則詰之以威而人
心愈熾勢不可遏監軍使宋守義列疏其事上方憂勤理
道屬任長帥於是降發中之命旌得賢之舉披文以徵乎
衛鼎述德以方乎晉鐘宣暢能事允歸行寔公抗疏牢讓
謙懼不稱然帝心所重終不得請君子謂公之建一碑也
獲三善焉邦人愛戴形於文奏一善也懇辭疊至乞請篆

衛輝府志

卷四十三

碑上

二十五

紀二善也茂功顯跡存乎不朽三善也成此多美煥乎國
風庶元凱之勲永垂芳於峴首竇憲之績不專耀於燕然
小臣奉詔勒名貞石其詞曰天地正氣間生人傑雲雷邁
屯卓立勲節社稷匡復神祇感悅方憂義寧妖氛盪滅德
不望報功無自代拯彼生靈遏其潰穴公之伐業兮光耿
前烈 海岳粹精炳爲英靈代濟忠賢國有典刑下纘候
服上應將星桓桓武公郁郁文經才寔兼 登翼泰寧出車受
脈疊耀帝庭公之嗣 兮播乎德馨 部符三郡鈇鉞四
鎮待物以誠示人必信靈丘泫鑄安陸接刃淮陰降
乘鸞鳴沙剪寇并州不陣惟道是從惟義是順公之報

兮孰圭入覲 郊勞有禮晏喜有容披呈肝膽協契 龍
振耀來儀欣戴時邕宏宣利澤懋建功庸錫以輅車賜之
歌鍾靡憶迭代帶礪公封公之事業兮載拔高蹤 西自
朔方亘於右輔東及淮徐達於鄭圃政循兄弟軍傳子父
陟爲龍光襲彼龜組並列門戟俱開幕府錚煥丹青超卓
今古公之慶鍾兮享此多祜 廣武絕澗黎陽要津河山
氣象京洛風塵勁卒利兵暢轂文茵殿於是邦牧彼疲人
常朝受命指日遄臻華嶺熙熙剪髮欣欣公之戾止兮煦
然如春 淄右不虔興師問罪兵車騷動道途繁會徵責
經營伏竄顛沛昭布惠訓周知利害空籍必除逋租盡貸

衛輝府志

卷四十三

碑上

二十六

罔不禮畏罔不愛戴公之去弊兮困傷是賴 商歸市井
農復田疇甍棟雲羅轡馬川流昔歎兩岐今也惟秬昔歌
五袴今也重裘門罕扁困路無苛留俾之平康毋復旁愁
公之惠化兮寔在賢侯 築峻壘垣增除戎器精練武旅
馳驅介駟扉履餘資倉儲大備其下皆讓與人共利金散
廊廡風行土地善財甄舉材無所棄公之諮訪兮允協衆
志 耀宣治行旌別循良尊臨千里表率一方彼邦之人
出言有章媚于天子觀爲國光豈無竹帛豈無旂常垂茲
篆刻可揭康莊公之德政兮垂休無疆
五代周杜韡衛州刺史郭公進屏盜碑

大周推誠翊戴功臣金紫光祿大夫檢校司徒使持節衛州諸軍事衛州刺史兼御史大夫上柱國太原縣開國男食邑三百戶郭公屏盜碑朝請大夫行右補闕柱國臣杜鞞奉勅撰翰林待詔登仕郎守司農寺承臣孫崇望奉勅書臣聞漢宣帝知民間之事則曰共理者其惟在良二千石唐太宗爲天下之君且云刺史乃我當自擇是知雖皇王之統馭須牧守以撫字失之於人得之於士有美有惡難將一馬同歸或隆或污寔類九土相遠失人則苛政踰於猛虎得士則善吏譬之良鷹可不慎乎可不重乎皇帝纂丕圖臨萬有以授受難乎選以理治急乎才漸行日月

衛輝府志

卷四十三

碑上

二十七

之輪輾成古道終扇陰陽之炭銷盡兵鋒一日謂丞相曰衛州士庶列狀以聞述去盜之由稱守臣之美宜乎旌其長可其奏命之刊勒振其輝光乃勅朝請大夫行右補闕柱國臣杜鞞序而銘之臣處奉絲綸憂深冰谷側詢行道或敢言揚固以仁者安人斯爲至矣盜亦有道其可尚乎矧乃抱奇屈之材聳昂藏之度奮迅於平地綿亘於數州誠大丈夫號良太守生聚在蒲盧之上奸回散篷竹之中山川封圻鏡清里閨稽之一義卦豈同亡楚之言詳以麟經寔契奔秦之事今之汾陽公其人也公名進深州博野人也皇帝卽位三年自登而牧衛維彼商墟厥稱汲郡任俠自

尚剛壯相泐逸碧巘而藏疚成風橫綠波而流惡不盡公
至止未幾循理而思且詢道求中靜乎內而勸乎外正身
率下儉於已而便於人未有澄其沙而金之不清去其蠹
而木之不茂先之以力制次之以德政化俗於斯何盜之
有公集之地征輸於天府一度量齊權衡謹出納之間審
重輕之數拔規求之本塞率割之源得不謂先去其帑廩
之盜乎夫馬寒則毛縮魚勞則尾頰物之性也豈有異哉
公能剗以滋彰禁之附益去狼羊之類掃碩鼠之蹤得不
謂先去其杼軸之盜乎郡之與邑事乃有經節符令則削
煩省督責則息費得不謂先去其簿書之盜乎市盈於日

衛輝府志

卷四十三

碑上

二十八

中貨來於天下宏羊適至不韋未歸法前事之通商抑有
司之侵利得不謂先去其闖闖之盜乎公人臨事以自懲
貪吏因時而變態於是卜要衝之所布敦諭之文旣革面
以後時或洗心而尚晚俄乃行之逮捕正以刑章夏虫植
性以疑冰夜蛾舞空而赴火或巢摧而梟散或穴塌以兔
奔雖泐波之時固討源而是切且拔茅之後恐連茹以宏
多回思顧望之徒須設并容之術而乃化之勉之撫之安
之曰爾胡不盜天時地利以耕鑿爲衣食之源爾胡不盜
毛羣介虫以捕獵求山澤之產或剖石採五或披沙汰金
取之不爲貪得之不爲竊豈可習性梁上 生草中始務

公季子字晉卿不書名尊大臣也人品瑰瑋器宇宏博六經諸子之書百家衆流之學莫不該貫尤邃於天文星歷壬遁卜筮之進修遠業詎興徒老之嗟陸沈下僚以待可乘之會惟后非賢不义太祖皇帝雅聞公名徵詣行在相見恨晚一之日束帛加璧二之日黃金百鎰夜半前席晝日三接乃其常也從上之西征也馮牙之際雨雪三尺上以問公對以必克之象庚辰冬大雷上問何徵對以梭里擅死於中野皆如其言又回鶻司天奏五月月蝕公曰不蝕及期果然後一年公奏十月望月蝕回鶻奏不蝕至其夜果蝕八分自時厥後凡天動星變伐叛取國莫不咨諏

衛輝府志

卷四十三

碑上

三十一

休咎之應罔有差忒上常語侍臣云公天上事尚知况人間事乎又嘗謂太宗曰天以此公賜我家爾後庶政當悉委之如魏道武之得崔浩遼太祖之得韓延徽亦不是過所以著此者見公得君信任之所以然也國俗稟朔漠雄強之氣統狼虎必勝之師天威所臨罔不振蕩靡滅公每以救人命爲己任至東印度鐵門關得能語之獸上怪其異召公問之公對以此獸名角端出見則主天降禎祥於國家欲陛下之神武不殺也於是旁近數國舍而不伐詔卽日班師神道救人權輿於此聞燕薊留後嘗私怒殺人以車載其首者公惻然憫曰不意法之弊至於此遂奏

令凡應死者申朝待報自是郡國諸侯不敢擅殺
扈從太宗之渡河也汴京旅拒日久城且潰近臣奏國有
常制悉當屠夷上將從之公百方諫止之曰所以爭天下
者本爲土地人民也得地而無民將焉用之公以百色工
匠三教醫卜衣冠旅屬如養蛋絡絲之類各奏其必用之
區別有方詔皆從其請仍令各路有司給農種房舍以
均贍之公又建白除藏逃之禁著恩養之令平民免連累
之辜逋亡無餓莩之患矣陝洛洞穴之民畏死不敢出公
奏命給百旗以招徠之山外二十餘州未降奏恩詔以貸
死國家所以無亡鏃之費悉舉而有之仁人之言其利溥

衛輝府志

卷四十三

碑上

三十二

哉乙未括戶之後如宅外寄留之驅戶准公奏籍既定悉
免焉諸如此類計其所全活何啻百千億萬人乎老子曰
天將救之以慈衛之其後以戶爲戶破折丁爲戶之說收
宣課以供國用塞中原止可牧馬之說本息相侔止債家
徵羊羔之利盜無顯迹革事主虛報之償繭絲則戶止一
斤田租則畝止三升商稅則三十之一迄今以爲制者也括
戶以後民多逃亡各路申聞公奏免三十餘萬戶減租
三之一以戊戌旱蝗奏免當年差稅又奏軍民各異兵不
與民賦民不與兵役迄今以爲利者也而又止漢地□牝馬
之天下室女之請約十八章以範民陳財務十

以立政皆施行之太祖皇帝謂天以公賜我者豈徒然哉其餘損益合節變化應時樞機周密品式備具秉鈞軸二十年天下受其賜者不可縷數四時之序功成者去公既薨謝之後柄政者雖欲繼公經綸之規模難矣禮記曰太上立德其次立功其次立言是之謂不朽若公者可謂不朽矣祭法曰法施於民以勞定國能禦大災能捍大患則祀之若公者可謂宜祀矣詩曰有斐君子終不可諼兮若公之盛德至善天下之民豈能忘之也汲郡共山百泉有安樂窩州民於此構祠宇塑公像而祀之舊矣至元辛巳之春公之孫希逸爲本道憲使奠拜祠下睹其椽棟欹

衛輝府志

卷四十三

碑上

三十三

傾階基圯裂神儀暗翳慨然嘆曰吾祖功存王室澤在斯民而祠廟弗稱旌紀寂寥乃命厥其廟貌新其像設俾來以書以祠記見屬博文謂善化一鄉智效一官者猶且碑去思而頌遺愛若公之功德雖黃童白叟皆能頌而歌舞之况秉筆之士當簡淇園之竹墨百泉之波 書特書而不已者豈有愧辭乎至於興禮樂立制度恤刑罰定官制建國家萬世憑藉扶持之基者皆不暇著著其寔惠之在民民之不能忘者以昭示永久公之子中書左丞相名鑄成仲希逸丞相之第九子也其餘諸子布列臺閣寺監皆有能官聲公生平所積宜其 後如此也莊子謂九萬里

斯下者以其所積之厚也其流慶方隆而昌乎銘曰阿
衡佐商爰陟成湯尚父作周涼彼武王蕭張輔漢房杜相
唐聖 相逢治見畢張以奠人極以紐乾綱維中令公異
世同方巍巍明堂公爲棟梁浩浩巨川公爲舟航興邦有
言制國有章民方仆僵公生不傷民方告飢公食糗糧民
方號寒公衣襦裳旣死而生旣賤而良民戴公恩天地莫
量尸祝社祭未能報償百泉之旁百門之陽有赫者靈公
之廟堂丹雘塵暗庭廡草荒公之諸孫峩峩奉章來致孝
享徘徊涕滂葺舊增新益大以光邦民歲時禴祀蒸嘗荔
丹蕉黃桂酒椒漿千秋兮萬古永祀兮不怠

衛輝府志

卷四十三

碑上

三十四

元陶師淵達魯火赤阿昔 憐去思碑

阿昔脫憐諳練民事蒞於汲者一朞城者再汲朞耗劇難
治故以公明德鎮之大官驛使五坊營屯過其境斂縮鉞
鐔不敢以州縣官待公公廉 端 務遵憲典故所居稱
平至元辛巳改治 縣當陝洛要衝藩邸庭覲貢車踐
更驛傳遞留東西將送供億取給臨時居職者病之公奉
上有節假貸務均雖倉皇旁午而無違悞之責夏旱露跣
糲食齋居虔禱雨遂溽秋蜚蝗集境躬率氓伍督捕烈日
暴風不施障蓋無何蝗去他境歲卒稔癸未夏六月天作
雨沁水瀑漲決馬撞口漢堤北田墅悉潢潦沮洳縣

護堤水不浸者板餘民大恐公身先丁夫冒雨晝夜周
邏增築以免望溺理庭訟必和色察情詳詰核實冤抑漸
賴澍雪時政務繁殷和鬻顧車交急胥吏夤緣肆奸蠹徵
索無藝公私任載厲農害商公於是嚴條禁明出納慎轉
差均賦稅俾不得肆其貪暴疲瘵之餘得免橫集漁獵之
困且嚴杜請謁謝絕筐篚俸祿外薪蒸藁藁毫不下侵家
人悞乞假必懲艾無貸自胙而汲汲而獲臨民且二十年
所守一律他人所難行者獨力行之御史中丞也先公常
過廉其實薦可清要用職滿有淮西按察僉事命未下數
日卒於衛之僧舍會葬者悲慟如喪考妣越明年春二月

衛輝府志

卷四十三

碑上

三十五

鄉耆景公等介邑人劉瑞教諭王夢弼奉達魯火赤也先
伯主簿席榮書馳於古肥表謁曰昔公之蒞是邑也息暴
捍災被澤於民者莫能殫紀雖去官六年身遊經襪猶談
不輟口銘不念心願葺在任政蹟丐文劂石以標去思之情
敬藏輿人之命載拜爲請余曰今之立石暴政德者率下
獻譽爲干請之媒上要譽爲陞進之路而能施實惠出眞
情者無幾以愧辭而文僞事不貽指抵仆擊者幸矣今二
子不憚往還千里追去且沒之阿昔公而欲垂諸不朽其
誼不亦偉乎卽是而上下之間皆爲可傳可述者乃不辭
而紀其事且銘之以表鄉國云銘曰金水爲德剛且清兮

間氣鐘人貞而明兮繫惟牧司字孤惇兮悃幅無葦芥蒂
容嬰兮廉節馳譽循吏稱兮直斯朱絃潔斯冰兮妍媸
靡逃鑑訐形兮虎豹馴慴魑魅警兮旱魃驅攘息螟螣兮
陽侯迴瀾大患平兮饕餮屏斥田里寧兮旄倪慕戴心骨
銘兮絳節淮瀆轟震霆兮明德焯煌昭日星兮帡幪雖遠
又何以存沒而異情兮螭首龜趺遺愛旌兮景行不忘永
儀型兮魂兮歸來尚有以嗣桐鄉廟食於千齡兮
元亨朮魯翀濬知州劉公友諒遺愛碑

泰定二年冬十有二月知濬州劉侯既代濬人士介河
南行中書都事邵信卿謁曰濬小州也北庭西域南詔河

衛輝府志

卷四十三

碑上

三十六

南江表朝覲貢賦舟車皆出其竟先是水館陸傳餼需廐
秣月給浩繁而公縉不繼漕 驢駟斃踣相踵督買不止
宜溝之驛淇賦也淇人挾貴要遷虐於濬馳馬之飼牧和
市之配擾徵役之驅逼吏緣爲欺民益加困至治元年冬

有二月侯下車訪察利病得顓爲州自行之所不得顓必
抗簡上達不允不遂不已由是謀決事從弊蠲害恩帥官
屬以修政令刊圖桑以蕃繭絲課生殖以警惰游繩保伍
以弭椎剽稽夫丁以等強弱考戶甲以差富貧恪朝夕以
嚴公規清操履以絕私謁慎文法以正胥史持條約以戢
徒隸祠三皇所以報古昔也 庶垂壞 而新之廟夫子

所以隆學校也祝事益虔

勵無怠時

闕三字

風熙日舒吏憚其威民

服其教既去益思刻金石以永明績子必無讓侯名友諒字
貞一故太保贈推誠協謀同德翊運功臣太師上柱國趙
國公謚文貞追封常山王之猶子也翀向自陝西除監察
御史與侯相及中臺不克讓因采其事而詩之辭曰覆載
茫茫域民四方民孰父母守令循良侯未來止濬政荒弛
侯既來止視民如子禾豐有苗桑柔有條侯惠雨集于濬
之郊忿悍斯弭孝弟斯起侯令風行于濬之里始也齎咨
終也愉怡匪木匪土其能勿思其思益永有溺孰拯五馬
朱輻來者鼎鼎

衛輝府志

卷四十三

碑上

三十七

元朱正輝州判官夏公文仲遺愛碑

侯資沉厚英邁臨政有爲太中大夫濟寧路總管克誠子
也廕授判官階敦武當之任太中公戒之曰注措設施才
能固有優劣惟廉勿嗜酒廢事侯拜謝服膺下車止酒慨
然以斯民爲己任雞鳴視事日晡方退食修明法令振整
紀綱覩前政弊更張之約束吏卒訪求民瘼害必除利必
興令行而人服無敢干以私戶有貧耗于曩時稅額如故
侯察知親驗恒產多寡爲額賦始得均養濟院民歲衣冠
市布三百疋造羊裘市皮數百幅吏因緣爲姦每患折閱
其直侯乃親臨準時估貿易之色絹例染二千疋薪黃赤

故事取於民卽命砍道傍官樹枝條積萬餘 可供
三年之爨又割已俸易酒食食樵夫樵蘇入 黃

本 各一遂免搔 造紙歲八百千番輸紙後官錢尚未
至民甚苦之勸官吏出俸祿五千緡預給之 民侵學田
諭之以禮卽退出畛畔歲凶民譏上官以侯廉能命請於
朝日爲民哀泣懇禱允焉蒙賑恤獨比鄰郡先之衛昔歲
欠民紙價三千定有奇總尹劉公憐其苦建言申稟復命
侯往敷陳詳悉果如請由是器重之歲旱露頂跣足禱於
石門山神越翌日天大雨其誠感又如此至於修傳舍禁
游惰謹巡防班班善政具在民心是宜銘曰官任才賢治

衛輝府志

卷四十三

碑上

三十八

化成焉琴瑟難鼓更張其絃侯實廉循惠愛在民涼飈奪
熱寒谷生春剖決如流庶事益修庭燎燭夜月鑑澄秋民
瘼旣除吏無追呼春風田里時雨村墟富役貧寧政理訟
平信孚刑省草偃風行歲凶民饑絲 民虧侯往得請餓
者活之爲禱旱乾政履無難霖雨滂 沸聲歡侯去嗟
吁攀轅躊躇終更如始豐碑大書共山之陽泉水一方瀕
浸德澤懷允不忘

元王苛輝州尹楊公禮遺愛碑

州尹楊侯下車首明治體移善嵐俗敦勸農桑力興學校
不事虛文以期實效律已至廉奉公惟謹孜孜矻矻修明

治化先是州凡所需資用槩取諸民民不勝擾乃推爲第
置牌籍刻書姓字遇事無絲髮 貸賦役始均闔境稱
便分憲按部至州喜曰公務至靜簿書又簡以他邦較之
不可得也如是可銘銘曰倬彼楊侯知是州首明治體敷
王猷風俗純美庠序修大本旣立民不偷時惟吏風尚貪
培吾諳女久民賊蠹藥弗瞑眩疾弗瘳存其悛者去其誅
民失教養甘下流訟訐日起如寇讐踰年化洽政治優公
庭無訟獄無囚民逋有賦誰之尤反映見在曾是羞侯歷
簿籍根所由積弊違典章再投繼維物力均而周協濟庶
事稱優游適逢饑饉食弗賙共負租債徵索稠哀此窮瘁
衛輝府志

卷四十三

碑上

三十九

中心妯抑彼富强待斂收作新州廨朝夕籌藉潤公帑寮
俸鳩木植瓴甃積如邱卜辰興役值父憂趨奔喪制難借
留侯旣去矣空歌謳若論其理民寧求載其清靜利弗哀
至廉用和剛濟柔義風慷慨燕趙侔一方得所侯庇庥今
思遺愛慙何醜惟有昭報揚其休大 翠琰光千秋
元王公儀輝州杜公良遺愛碑
天歷改元秋侯來知我州下車適西軍寇次隣郡輝民洵
洵避留反復侯乃 言於衆曰勿自擾難倘弗測我當致
身于國以庇爾 衆懷 釋俄聞以事潰闔郡帖然侯察
民風久鮮于治况遭 攘之後因而蠹害政務轉勝于昔

如奸訐之徒點舞之吏論之以政令示之以刑辟亦有一
二不悛者推情移讞杖不移晷罔貸毫髮時有羣盜嘯聚
山谷侯設計捕獲杙拷呵禁靡有子遺治末期政聲大振
至于詞訟戶口賦役田疇等事不待聲色已得簡增均
之譽矣遂起譙樓鑄洪鐘以警暮夜建傳館飭儀衛以
恩寵製儒服備豆籩以謹時祀修元學禮教官以崇國子
構講堂會醫巫以研方技凡此數事人悉稱其龍在侯乃
餘事耳初侯下車時值饑阻侯首上章乞賑于總府府就
檄矣馳驛入京師泣白中省執政感其言意懇切具聞于
上允焉遂賜金谷若干以濟衛屬六邑之民傳曰仁人之
衛輝府志

卷四十三

碑上

四十

言其利溥哉侯其有焉恐恩未洽復勸儲蓄之家以補其
不足賴其全活者不可勝計云

